



Ministeriup UKausingit

Nunatsualimâmi NunaKakKâsimajuit Inungita Ullunga

Joni 21, 2022 · Moncton, New Brunswick · [Atlantic Canada Pivitsanut katutjiKatigegiallana \(ACPk\)](#)

Tâna Honourable Ginette Petitpas Taylor, Ministerik UKausillagijjuunut ammalu Ministerik kamattitaujuk Atlantic Canadami Pivitsanut katutjiKatigegiallana (ACPk), ukuninga uKasimajuk pitjutigillugit Nunatsualimâmi NunaKakKâsimajuit Inungita Ullunganik Joni 21:

“Ullungani Nunatsualimâmi NunaKakKâsimajuit Inungita Ullunganik, ullusiuttaunginnatuk jâri tamât aujaulimmat, ullusiuKattavugut piusituKatsuanik, pijagettausimajunut ammalu tuniggusiangusimajunut taikkunangat First Nations, Inuit ammalu Métis inuKutinginnit.

“Ullumi ammalu ullu tamât, pikKujitlagaluakKunga nâlagiamut ammalu tusatsialugit NunaKakKâsimajuit nipanginnik ammalu unikkausinginnik. IlauKataullusi ullusiuunut ammalu piniannigijaujunut iluani nunalet nunagijatsinik. Ikajullugit NunaKakKâsimajuit kenaujaliugutiKajunut, kenaujaliuttinik ammalu allanguattinik.

“Tâna nunakKatigengituk Kaujimajavut imâk Atlantic Canada piusituKagijauvuk ammalu tunijausimalungit nunait taikkunangat Mi’gmaq, Wolastoqiyik ammalu Peskotomuhkati InuKutinginnut taikkunangat Wabanaki Ikajuttigejunut, ammalu Inuit, Innu ammalu Mi’kmaq inungit Newfoundland ammalu Labradorimi, ammalugiallak kinguvâgijausimajunut aniggagijanga taikkununga Beothuk inunginnut. Tâna kavamak Canadami uKatsiasimavut sulijugiKagiamut atjigengitojunik piusigijaulautsimajunut, ilukkusinnik ammalu Kaujimajaugettunut NunaKakKâsimajuit inunginnut iniKasimalittunut, ammalu paitsisimajunut taikkununga nunaujunut taimanganit ikKaumannitnik.

“Ministeriullunga kamatlungalu taipsumunga ACPk, pikKujitlagaluakKunga takugiamut piujunik attuisimajunut taikkununga NunaKakKâsimajuit-sivukkatusimajanginnik pigiasisimajanginnilu ammalu suliangujunut NunaKakKâsimajuijunut ammalu NunaKakKâsimajungitunut kenaujaliugutiKajunut ammalu nunalinnut nanituinnak nunakKatigengitumi. Ilagiallugu piguvallialutik atjiKangitumik, ilautitsijumik kenaujaliugutiliginimmut, tamakkua pigiasittaujut tugâjut sakKijânginnaniattunut sivunittini ilingatillugit ilonnainut Canadamiunut.

“Akungani tâkkuinunga pigiasittausimajunut ukuanguvut 66 NunaKakKâsimajunut-sivukkatigijautlutik salumatsiatunut ajunnatunik suliangujunut mânnaluatsiak suliajigijautlutik upvalu pijagettausimajut iluani Atlantic Canadami ilangagijautlutik NunaKakKâsimajuit Silak Sivukkatet Suliajigijautlutik. Tamakkua ilautitsivuk anugik ammalu siKinimmit suliaitsait ammalugiallak salumanitsaugasuumut silatsuatinut suliajijaujunik.

“Asigiallait NunaKakKâsimajuit-sivukkatiKatlutik pigiasittausimajuk ikajuttausimavut taikkununga ACPk ilautitsivuk suliaitsanik ikajugiamut ilinniagatsanik taikkununga NunaKakKâsimajuijunut



annanik kenaujaliugutiKajunut, ammalu puttusivallialugit NunaKakKâsimajuit ottugattaugumajunut niuggutuliginimmut – tamanna sukkanippângutluni piguvalliajuk niuggutuliginimmik iluani Canadami.

“Uvagut kajusiutiKagatta suliaKaKatigegiamut kamagiamut tapvainak apomautigijaujunut sollu silak asianguvallianinga ammalu sanagiamut sangijumik, sakKijânginnaniattumut kenaujaliugutitsanik, pikKujitlaKunga ilonnainik Atlantic Canadamiunik sulijugiKatsiagiamut Kaujimatitsilutik taikkuninga NunaKakKâsimajuit ilisimallagijunut ammalu nunalimmiunik, ammalu isumatsasiutsialutik ilautitsigiamut NunaKakKâsimajuit piusigijanginnik Kaujimagiamut ulluginiattanik ullumit ullumut suliamsagijatsinik.”

Kaujisapviutausok

Marianne Blondin

Tusagatsaligijinnut Nenitsijinga

SuliaKapvik Ministerimmut UKausiligillaginginnut ammalu taikkununga Atlantic Canada

Pivitsanik katutjiKatigegiallana

marianne.blondin@acoa-apeca.gc.ca

Atasimalaugitsi

Malillugu ACPk omani [Facebook](#), [Twitter](#), [LinkedIn](#) ammalu [Instagram](#).